



國家清史編纂委員會·文獻叢刊

五編

清代稿鈔本

第二四八冊

國家清史編纂委員會·文獻叢刊

五編

清代稿鈔本

第二四八冊

廣東省立中山圖書館
中山大學圖書館

編

主編 桑兵

副主編 李昭醇 程煥文 劉洪輝

廣東省出版集團
廣東人民出版社
·廣州·

第二四八冊目錄

西藏誌

..... 一

回疆誌

..... 一七三

西陲要略

..... 五二九

西藏誌

四卷

弘瞻
撰

鈔本

中山大學圖書館藏

此書敘述康熙乾隆間經略西藏事蹟至乾隆元年為止其中
有雍正十三年特命果親王弘春寧賜宴及獲送達賴喇嘛返
召等事蓋即乾隆五十九年果親王所纂修之西藏志也
海內流傳極少僅重慶大學圖書館有一部全二冊而不全卷
此本分作四卷前後似尚完整鈔寫之精且足珍也

光緒二十二年三月廿三日周寬予謹識

西藏誌目錄

卷一

封爵

頭目

兵制

邊防

徵調

賦役

朝貴

外番

碑文

唐碑

臺站

糧臺

附錄

卷二

路程

卷三

事績

疆圉

山川

寺廟

卷四

天時

產物

歲節

紀年

風俗

方語

衣冠
醫藥
刑法

飲食
占卜

婚嫁
禮儀

夫婦
宴會

生育
市肆

喪葬
房舍

西藏誌卷

封爵

西藏地處遠徼自漢唐以來難以備攷迨至康熙五十九年定藏後始封康濟鼐為貝勒阿爾布巴為貝子隆布鼐為公頗羅鼐札爾鼐為噶隆雍正三年封頗羅鼐札薩克台吉雍正五年阿爾布巴等謀殺康濟鼐亂藏雍正六年大兵誅叛定藏七年頗羅鼐封貝子總管西藏八年封其長子朱爾嗎特策登併其婿那木札爾色不勝

即康濟鼐之子

為台吉雍正九

年封頗羅鼐為多羅貝勒朱爾嗎特策登為輔國公



十年封那木札爾色不勝為輔國公封策零汪蓋爾
通巴鍾子三人為頭等噶隆十二年封其次子朱米
納木查爾並其弟諾彥和碩氣以及達爾札章 陸
占巴 巴雜鼎 大衍台吉等六人為札薩克頭等
召吉十三年諾彥和碩氣卒頗羅鼎
奏請將伊弟色陳哈什哈襲職為札薩克台吉旋晉封
頗羅鼎為多羅郡王

頭目

委用頭人皆由頗羅鼎選擇亦用才品首取家道殷
實查郡王之下設噶隆數人總管各處地方事宜設

高爵一名察核境內各項事宜倉儲巴數名專司錢糧事宜浪子沙數名管理刑名並承辦各項差務中科爾數名在大召辨寫立書標簽戳記事務紀綱數名清算賬目其中科爾紀綱半多世職凡放大小村庄牒巴皆由此等人內選用至於出差頭人名曰谷操傳事頭人名曰若尼爾管理家務頭人名曰葉爾巴聽差之人名乃興巴其各地大頭人名曰牒巴次曰熱熬再次曰干布蒙古之頭人名曰台吉曰宰桑曰那彥其統領兵馬之官有五總統大頭人曰伐奔今西藏一名名羅藏達古工布一名名馬隆奈後藏

一名名班第他其次曰甲奔管兵二百名再次曰如奔管兵一百名曰頓奔管兵四十五名名局奔管兵十名又有小頭人曰郊波以上所委之牒巴頭人委管何方即徵收其地錢糧以自食

兵制

西藏兵額設馬步兵共六萬四千餘名內拉撒馬兵三千名後藏馬兵二千名阿里馬兵五千名稞塢馬兵一千名党子拉雜浪木等處地方黑帳居蒙古兵馬兵三千名阿里並前後藏各處兵步兵五萬名至上陣斯殺惟蒙古馬兵八百名頗勇其次阿里稞塢

工布之兵尚健其餘之兵差等派兵之法於各地方
鄉村抽派或十名五名不等出人不出馬出馬不出
人上陣亦穿盔甲其甲有柳葉有連環有銷子馬兵
盔上插紅纓一大撮孔雀尾一枝帶腰刀鞞袋背烏
鎗執長矛步兵盔上插雉鳴尾一束帶腰刀插順刀
帶弓箭鞞袋執藤牌或木牌其木牌寬約尺五六寸
長三尺一二寸外用鉄皮包釘繪虎獸形以五色翎
毛裝飾帶箭腰刀已拏烏鎗者不執牌亦有執長矛
者箭以竹為之鵠領鉄鏃如錐長三四寸其弓木胎
角面身稍俱短小而勁亦有用竹為之者以兩竹片

合紮無稍靶旂幟分黃紅白黑藍五色用綢緞布亦為之其制長有八九尺至丈一二者旂頂毛纓各按旂色若對壘馬前步後糗糧隨地派本兵馱帶每年於正二三月亦頗操演觀其打鎗射箭跑馬跌撲演畢以哈達銀錢酒食賞之以獎其氣至四月則派駐各隘口既資防邊且兼牧馬也

邊防

西藏壤接外番界連蒙古雍正八年準噶爾侵犯西北兩路軍營頗羅鼎

奏准夏初冰雪全消清草萌時派駐藏大臣一員綠旂

官兵一千五百名

其次子

台吉朱米木查爾帶拉撒

兵一千名前赴打龍騰格那爾地方駐防

派長子輔

國公朱爾嗎特策登夏初帶蒙古番兵二千名赴阿
里噶爾渡魯都克三處駐防每年派其弟諾彥和碩
氣赴哈拉烏素訓練該地兵馬二千餘名即統領駐
防均至九月雪封山經撤回休養次年仍往又設要
卡數處

一玉樹納克書每年派千總一員番漢兵各十名至

白兔河駐劄

一納克產每年派千總或把總一員番漢兵各十名

至特布駝洛海偵防

一奔卡立馬爾每年派千總或把總一員番漢兵各
十名駐防探哨

一生根物角每年派千總或把總一員番漢兵各十
名駐防亦均於夏初草萌派往秋深雪降撤回其附
近拉撒口隘二處一浪岩離藏五十里派番漢兵各
五六名

一帕爾離城二十里派番漢兵各五六名此二處專
司盤詰往來其他隘口各就地之衝僻量設番兵防
守至雍正十年駐藏漢兵二千名議撤一千五百名

此後騰格那爾等處僅畚兵駐防矣

徵調

頗羅鼎未賜印之先凡有文書俱印紅色小圖記畚人用唐古忒字蒙古用蒙古字行則各遵之自卡隆以下皆用黑色圖記雍正九年頒給印信始知用印然素常亦不用一切文書信字用漢字小圖章文曰名旺多羅貝勒記如徵調兵馬近則頭目代奔催集遠則文信傳調若要緊軍情則用傳旂以箭一枝縛白哈達一個寫由飛遞傳催依限而到一無少悞凡遇大小事務每日噶隆牒巴中科爾代奔等齊集大